



張小山小令下

慶元張可久著

章丘李開先編


南呂

一枝花梁州帶尾

湖上晚歸

長天落綵霞遠水涵秋鏡花如人面紅山似佛
頭青生色圍屏翠冷松雲徑嫣然眉黛橫但攜
將旖旎濃香何必賦橫斜瘦影 挽玉手畱連

一枝花



錦英據胡床指點銀瓶素娥不嫁傷孤另想當年小小問何處卿卿東坡才調西子娉婷總相宜千古畱名吾二人此地私行六一泉亭上詩成三五夜花前月明十四弦指下風生可憎有情捧紅牙合和伊川令萬籟寂四山靜幽咽泉流水下聲鶴怨猿驚巖阿蟾窟鳴金磬波底龍宮漾水精夜氣清酒力醒寶篆銷玉漏鳴笑歸來彷彿二更煞強似踏雪尋梅灞橋冷

罵玉郎帶感皇恩採茶歌

爲貫酸齋解嘲

君王曾賜瓊林宴三斗始朝天文章懶入編脩院紅錦箋白苧篇黃柑傳學會神仙參透詩禪厭塵囂絕名利逸林泉天台洞口地肺山前學煉丹同貨墨共談玄興飄然酒家眠洞花溪鳥結姻緣被我瞞他四十年海天秋月一般

圓

揚駒兒墓園

張小山小令卷下
二
莓苔生滿蒼苔徑人去小紅亭題情猶是酸齋
贈我把那詩韻賡書畫評闌干凭 茶竈壘凝
墨水冰生掩幽扇懸瘦影伴孤燈琴已亡伯牙
酒不到劉伶策短藤乘暮景放吟情 寫新聲
寄春鶯明年來此賞清明窗掩梨花庭院靜小
樓風雨其誰聽

四塊玉

秋望

菊又開人何往夜靜孤眠北窗涼月明聞上南
樓望天一方雁幾雙書半行

胡使君席上

舞態輕歌喉穩十里香塵柳邊春一聲金縷樽
前韻斂繡巾整翠雲點絳脣

春愁

曉夢驚殘妝粉一點芳心怨王孫十年不寄平

張小山詩集卷一
安信綠水濱碧草春紅杏村

傷春

楊柳陰鞦韆影恨殺啼鶯斷腸聲越添怨女傷
春病倚繡屏搗錦箏調玉笙

宮中秋日

環佩輕蓬萊淺桂子香清小壺天芙蓉露冷披
香殿花可憐月又圓人未眠

史氏池亭

宿酒醒良宵永風細荷香夢魂清月明梧葉闌

千靜玉管笙粉面箏金字經

東浙舊遊

鏡水邊巾山頂兩袖松風羽衣輕一奩梅月冰
壺淨鵲尾爐鳳嘴瓶雁足燈

張小山詩集卷下 四

Blank space with vertical lines for text.

閱金經

秋望

白髮三千丈畫樓十二闌
鷗鷺翩翩逐往還
山淡雲秋樹間蘆花岸釣船沙上灘

湖上仙遊

竹枕蘆花被草衣荷葉巾
一棹烟波湖上春
真神仙身外身蓬萊近紫簫吹鳳雲

湖堤春日

院宇綠楊樹酒旗紅杏村
一片棠梨蘇小墳
春

張小山詩集卷下 閱金經 五

張小山先生卷下
水邊多麗人鶯花陣玉驄嘶錦雲

夏宴

玉手銀絲鱸翠裙金縷紗席上相逢可喜煞插
一枝茉莉花題詩罷醉眠沽酒家

山行

萬里封侯貴一場春夢中破帽青鞋策短筇逢
南山採藥翁桃花洞白雲千萬重

訪道士

細草眠白兔小花啼翠禽且聽松風坐綠陰尋

洞天深又深遊仙枕頓消名利心

青霞洞

酒後詩情放水邊歸路差何處青霞仙子家沙
翠苔橫古槎竹陰下小魚爭柳花

環綠亭

水冷溪魚貴酒香霜鱉肥環綠亭深掩翠微梅
落花浮玉杯山翁醉笑隨明月歸

開元道院

翠掩仙雲暗素琴冰澗長晝永人間白玉堂嘗

張小山詩集卷下
七
煮茶春水香元泉上鶴飛松露涼

胡琴

雨漱窗前竹澗流水上泉一線清風動二絃聯
小山秋水篇昭君怨塞雲黃暮天

題扇

玉手銀箏柱翠濤金屈卮正是魚肥鱗健時詩
醉題秋扇兒黃華字亂風搖柳絲

睡起

翠被夢中夢雁書來處來秋水芙蓉花又開猜

瘦雲惚玉釵人何在月明閒鳳臺

春懷

瘦影孤鸞鑑怨聲阿鵲簷病起離人愁轉添嫌
燕歸雙入簾朱門掩夜香不喜拈

石門洞天

錦樹開圖障翠峯堆髻鬟屋老蒼雲暗紫壇閒
玉龍耕破山白石爛半巖秋雨寒

仙居

白日孤峯上紫雲雙澗邊飢有松花渴有泉仙

張小山詩集卷下
抱琴巖下眠蟠桃宴鶴來騎上天

梅邊

雪冷松邊路月寒湖上村縹緲梨花入夢雲巡
小簷芳樹春江梅信翠禽啼向人

稽山春晚

若耶溪邊路四山環翠微春去人閒總不知鶯
亂啼滿川煙樹迷先生醉葛洪丹井西

醒吟齋

老翁獨醒處伴雲高臥齋雨過松根長嫩苔栽

菊花依舊開青山怪白頭歸去來

偕王公實尋梅

浩然英雄氣塞乎天地閒破帽西風雪滿山頑
探梅千百番家童懶灞橋驢背寒

秋望二曲

楊柳沙頭樹琵琶江上舟鴈去衡陽水自流愁
玉人休倚樓黃花瘦曉霜紅葉秋

信遠江南鴈望窮雲外山羅帕香殘粉淚乾閉
倚遍十二闌黃花慢桂香秋雨寒

春晚

惜花人何處落紅春又殘倚遍危樓十二闌彈
淚痕羅袖斑江南岸夕陽山外山

雪夜

犬吠村居靜鷓鴣眠詩夢清老樹冰花結水精明
月臨不夜城扁舟興小窗何處燈

金華洞中

竹煖鶴梳翅樹香鹿養茸好景神仙圖畫中通
好山無數重桃源洞綠波隨落紅

佛會

水月觀音相海雲獅子林講下飛花占樹蒼涼
紫檀小殿香天仙降對騎金鳳凰
舞月獅王喜獻花猿臂長何處青山不道場涼
寶瓶甘露漿方池上白蓮秋水香

湖上書事

六月芭蕉雨兩湖楊柳風茶竈詩瓢隨老翁紅
藕花香座中笛三弄鶴鳴來半空

春思

象管鴛鴦字錦筆鸞鳳絲何處風流馬上兒思
那回春暮時別離事帶花折柳枝

遊仙

桂影黃金樹帝鄉白玉京夢斷鈞天月正明聽
粉箏江上聲遊仙興落花香洞庭

感興

野唱敲牛角大功懸虎頭一劍能成萬戶侯愁
黃沙白鬪虜成名後五湖尋釣舟

閱武爲李正則賦

鴈翅銀鎗隊虎皮鐵馬羣畫鼓三聲江上村屯
半千存孝軍梅花引繡旗楊柳春

閨怨

寶鑑殘妝暈帕羅新淚痕又見梨花雨打門因
玉奴心上人無音信倚闌看暮雲

湖上小隱

老翁婆娑處清風安樂窩十二闌干錦繡坡多
好山橫翠蛾蘭舟過月明聞棹歌

採蓮女

小玉移蓮棹阿瓊橫玉簫貪看荷花過斷橋搖
柳枝學弄瓢人爭笑翠絲孤鳳翹

樂閒二曲

百年渾是醉滿懷都是春高臥東山一片雲
嘆是非拂面塵消磨盡古今無限人
范蠡黃金像謫仙白玉杯不若淵明解印歸誰
似他能見幾醺醺醉免人談是非

春闈

粉淡孤鸞鏡夢迴雙鳳臺滿院東風花正開猜

玉奴何處來闌干外插花尋玉釵

中呂

紅繡鞦

春晚

圓舊夢衾閑錦繡按新聲絃斷笙篴滿襟離思
倦登樓花寒鸚鵡病春去杜鵑愁倚闌人困酒

歲暮二曲

金蓮步蒼苔小徑玉鈎垂翠竹閑亭物換星移
暗傷情遊魚翻凍影啼鳥泛春聲落梅香暮景
競酒爭花公事吟風弄月神思好春能有幾何

張少川公集

卷下

紅繡鞦

十一

時玲瓏心似錦積漸鬢成絲落一張閒故紙

山中

黃葉青烟丹竈曲闌明月詩巢綠波亭下小紅
橋老梅盤鶴膝新柳舞蠻腰嫩茶舒鳳爪

鑑湖

落葉山容消瘦題詩人物風流一片閑雲駐行
舟月寒清鏡曉花淡碧壺秋謫仙同載酒

三衢山中

白酒黃柑山郡短衣瘦馬詩人袖手觀某度青

春仙橋藏老樹石笋瘞蒼雲松花飄瑞粉

懷古

金字淡橋空柳浪翠微深門掩苔牆兩袖波光
釣斜陽孤山花已老雙井水猶香記神仙詩句
響

西湖雨

刪抹了東坡詩句糊塗了西子妝梳山色空濛
水模糊行雲神女夢潑墨范寬圖挂黑龍天外
雨

長小山小令

卷下

紅繡鞵

七

簡呂理問

揮翰墨雪車冰柱列神仙玉珮瓊瑤一舸紅香
占西湖雲山頻管領鶯燕任追呼別是箇風月
所

仙居

有客尊前談笑無心江上漁樵小壺新醞注仙
瓢梅花和月種松葉帶霜燒本清閑忙到了

尋真

白草磯頭獨釣青衣孺子相招尋真不怕路迢

迢閑雲迷洞口殘雪老牆腰夕陽紅樹杪

天竺寺

金粟池中水鏡玉蓮臺下天燈紅塵無事惱山
僧月窗猿聽講雪嶺馬馱經籠華圖上景

簡王復齋

一帶雲林堪畫數間茅屋誰家山翠空濛潤鳥
紗小池中銀杏葉凍枝上臘梅花且吟詩休上
馬

歸興

長小山小令

卷下紅繡鞵

古

燕燕鶯鶯生分風風雨雨傷神吐酒吞花過芳
春黃金羞壯士紅粉弄佳人青山招舊隱

虎丘道上

船繫誰家古岸人歸何處青山且將詩做畫圖
看鴈聲蘆葉老鷺影蓼花寒鶴巢松樹晚

茅山疏翁索賦

小洞閉花何處矮牆顛草誰書玉蓮香露冷金
壺紅雲翔綵鳳丹井養文魚青山馴白虎

開元堂上

花有信春來春去客無心雲卷雲舒開元堂上
輞川圖冰梅棲翠羽水藻漾金魚雪松搖玉麈

秋望

一兩字天邊白鴈百千重樓外青山別君容易
寄書難柳依依花灼灼雲淡淡月彎彎長安迷
望眼

開元遺事

羯鼓罷天開雲淨鵲橋平斗轉參橫玉人私語
祝長生水邊箏殿小花上舞盤輕月中歌扇冷

張小山小令

卷下

紅繡鞵

五

過括蒼

鴉噪巖前古廟鶴鳴松頂危巢南明峯下路迢
遙問清溪道士有喜白髮貴人饒看青山今日
飽

遊湖

綠柳暗金沙佛地白蓮開雲錦天池搖曳歌聲
棹輕移望南山新有雨喜西子不顰眉飲東陽
錯認水

題惠山寺

舌底朝朝茶味眼前處處詩題舊刊漫漶看新
碑林鶯傳梵語巖翠點禪衣石龍噴淨水

郊居

白露離離香稻清風小小團茅蔡仙家只隔朱
姑橋籬邊一水繞門外兩山高庭前雙檜老

集慶方丈

月桂峯前方丈雲松徑裏禪房玉甌水乳洗詩
腸蓮花香世界貝葉古文章秋堂聽夜講

次韻

張小山小舍卷下紅繡鞵

劔擊秋風鬼嘯琴彈夜月猿號半醉淵明可人
招南來山隱隱東去浪淘淘浙江歸路杳

春日湖上二曲

百五日清明節假兩三攢綠暗人家客子飄零
尚天涯春風輕柳絮夜雨瘦梨花綠楊陰誰繫
馬

綠樹當門酒肆紅妝映水鬟兒眼底慙慙座閒
詩塵埃三五字楊柳萬千絲記年時曾到此

聖水寺山亭

佛國清涼境界壺天金碧樓臺照眼西山畫屏
開海雲推月上江水帶潮來醉嫌天地窄

越山卽事

山擁玉皇香案烟籠翠羽仙鬟兩袖天風倚高
寒鶴歸蒼樹杪犬吠白雲閒蓬萊迷望眼

洞庭道中二曲

白鷺荒堤老葑黃雲遠樹連空百尺蒲帆蕩秋
風酒旗花影裏釣艇樹陰中好山千萬重

逐名利長安日下望鄉關倦客天涯孤鴈南來

倍思家亂山雲掩翠老樹雪生花凍吟詩騎瘦
馬

天台桐栢山中

談世事漁樵閑問洗征塵麋鹿相親步入蓬萊
悞尋真竹聲搖翠雨山影護蒼雲神仙深處隱

春夜

燕子來時酒病牡丹開處詩情庭院黃昏雨初
晴鏡心閑挂月箏手碎彈冰花前春夜永

湖上

無是無非心事不寒不暖花時妝點西湖似西
施控青絲玉面馬歌金縷粉團兒信人生行樂
耳

雪芳亭

金錯落樽前酒令玉娉婷樂府新聲夜深花底
嫩寒生一圍雲錦樹四面雪芳亭月斜時人未
醒

普天樂

重過西湖

畫圖中紅塵外妝臺玉釵芳徑羅鞵金瓶帶酒
攜紈扇和詩賣一枕清風扁舟快碧桃香兩岸
花開劉郎再來西施好客東閣憐才

暮春

老梅邊孤山下晴橋蟠螭小舫琵琶春殘杜宇
聲香冷荼蘼架淡抹濃妝山如畫酒旗兒三兩
人家斜陽落霞嬌雲嫩水剩柳殘花

贈白玉梅

謫仙名樂天姓緇塵不染玉骨長清西樓羌管
聲東閣新詩典豔紫妖紅塵俗病論風流讓與
瓊瓊孤山舊盟黃昏月明夜雪初晴

別懷二曲

故人疎憂心悄愁雲淡淡遠水迢迢一聲白鴈
寒幾點青山小滿日淒涼誰知道賦情詞寫遍
芭蕉明月洞簫夕陽細草沙渚殘潮

夢初回愁難禁青樓痛飲綵扇新吟金蓮小步

移玉藕香腮枕惜雨憐雲別圖甚五百年一對
知音別離動心分明爲您憔悴如今

客懷

楚山雲湘江岸霜添白髮日減朱顏秋風馬耳
寒夜雪貂裘綻萬里南歸孤飛鴈動離情故國
鄉關聞身易瀨休官怕晚倦羽知還

收心

錦城遊梨園俏花花草草暮暮朝朝關心三月
春開口千金笑惜玉憐香何時了綵雲空聲斷

鸞簫朱顏易老青山自好白髮難饒

秋懷

爲誰忙莫非命西風驟馬落月書燈青天蜀道
難紅葉吳江冷雨字功名頻看鏡不饒人白髮
星星釣魚子陵思舊季鷹笑我飄零

道情

北邙烟西州淚先朝故里破塚殘碑樽前有限
杯門外無常鬼未冷鴛幃合歡被畫樓前玉碎
花飛悔之晚矣蒲團紙被歸去來兮

西湖卽事

藥珠宮蓬萊洞青松影裏紅藕香中千機雲錦
重一片銀河凍縹緲佳人雙飛鳳紫簫寒月滿
長空闌干晚風菱歌上下漁火西東

次韻歸去來

草堂空柴門開放閑柳枝伴老山妻誰傳紅錦
詞自說白雲偈照下淵明休官例和一篇歸去
來兮瓜田後溪梅泉下竺菊圃東籬

贈別

長

卷下

普天樂

三

鳳釵分鴛衾另輕輕別離小小前程花開渭水
秋酒盡陽關合不管佳人愁成病載琴書畫舸
無情今宵月明聲沉玉笙影淡銀燈

胡容齋使君席間

白頭新黃花瘦長天北斗明月南樓吹殘碧玉
簫淚滿青衫袖喚起嫦娥爲君壽舞西風桂子
涼秋百年故侯千鍾美酒一片閑愁

秋懷

會真詩相思債花箋象管鈿合金釵鴈啼明月

中人在青山外獨上危樓愁無奈起西風一片
離懷白衣未來東籬好在黃菊先開

湖上廢圃

占蒼苔題痕舊疎花照水老葉沉溝蜂黃點繡
屏蝶粉沾羅袖困倚東風垂楊瘦翠眉攢似帶
春愁尋村問酒無人倚樓有樹維舟

晚歸湖上

翠藤枝生綃扇初三月上第四橋邊東坡舊賞
心西子新妝面萬頃波光澄如練不塵埃便是

神仙誰家畫船冷冷玉管渺渺哀絃

鶴林觀夜坐

鶴歸來雲飛去仙山玉芝秋水芙蓉瑤臺挂月
奩寶瑟移冰柱一架寒香娑羅樹小闌干花影
扶疎涼生院宇人閑洞府客至蓬壺

滿庭芳

湖景

絲竹管絃花園富貴柳陣嬋娟綠陰紅影藏鶯
燕醉客金鞭錦步障長安上苑玉浮圖極樂西
天一步一箇屏風面孤山寺前無敢採蓮船

閨怨

楊花滾滾屏山隱隱沉水溫溫綠紗窗外流鶯
問何處東君多病多愁那人不言不語傷春清
明近深深閉門細雨自黃昏

張小山小令

卷下

滿庭芳

三

秋夜

西窗酒醒衾閑半幅鼓轉三更起來無語傷孤
另何限幽情金瑣碎簾前月影玉丁當樓外秋
聲凭闌聽吹簫鳳鳴人在雪香亭

湖上晚歸

亭亭翠雲娟娟鷺羽細細魚鱗一方瑞錦香成
陣明月隨人愛蓮女纖纖玉笋唱菱歌采采白
蘋相親近盈盈水濱羅襪暗生塵

三衢道中

烏飛兔走鶯煎燕惱蝶怨蜂愁眼前已是花開
後心緒悠悠一百五日節人家插柳七十二灘
上客子移舟添消瘦尋花載酒不似少年遊

春晚梅友元帥席上

知音到此舞雩點也修禊羲之海棠春已無多
事雨洗胭脂誰感慨蘭亭故紙自沉吟桃扇新
詞急管催銀字哀絃玉指忙過賞花時

山居

塵埃野馬風波海鳥鼓吹池蛙相逢半日漁樵

張小山小令卷一
話樂在山家仙洞玲瓏玉霞釣灘平漱澹金沙藤陰下村醪旋打醉插滿頭花

春思

愁斟玉笋塵生院宇絃斷琵琶相思瘦的人來怕夢繞天涯何處也雕鞍去馬有心哉歸燕來家鮫綃帕淚痕滿把人似雨中花

山中雜興二曲

人生可憐流光一瞬華表千年江山好處追遊遍古意翛然琵琶恨青衫樂天洞簫寒赤壁坡

仙村酒好溪魚賤芙蓉岸邊醉上釣魚船

風波幾場急疎利鎖頓解名韁故園老樹應無恙夢繞滄浪伴赤松歸歟子房賦寒梅瘦却何郎溪橋上東風暗香浮動月昏黃

次韻二曲

尋思幾般鬪腰玉瘦約腕金寬怕春歸又是春將半信杏青鸞賦離恨花牋短短散清愁柳絮漫漫闌干畔芳枝綠滿梅子替心酸

相思故人釵分恨股粉印嬌痕數歸期屈得春

纖困兩地消魂縷外青山隱隱花前紅雨紛紛
天涯近回頭楚雲新月破黃昏

野梅

風姿澹然瓊酥點點翠羽翩翩羅浮舊日春風
面邂逅神仙花自老青山路邊夢不到白玉堂
前空嗟羨傷心故園何日是歸年

題仙子詩卷

滄波小龍翩翩桂影隱隱蓮峯歌塵隔斷蓬萊
洞此夜相逢羽衣曲蟾華月宮紫簫聲鶴背天

風遊仙夢青山萬重雲冷玉芙蓉

湖上酸齋素賦

尋春底忙金鞭弄影翠袖藏香綵箋詩滿西湖
上悞入平康到處鶯花醉鄉當家風月排場貪
遊蕩馬嘶綠楊占斷紫雲娘

送別二曲

分飛斷腸花箋寫恨粉腕畱香臨行休倚危樓
望總是淒涼人去去寒煙樹蒼馬蕭蕭落日沙
黃牙牀上相思夜長翠被冷鴛鴦

愁春未醒芳心可可舊友卿卿乍分飛早是相思病幾度傷情思往事銀瓶墜并賦離懷象管呵冰人孤另梅花月明熬盡短檠燈

過釣臺

窮通異鄉故人別後短棹滄浪相尋下榻雲霄上舊日疎狂魂夢遠不知漢光腳頭睡只記劉郎山無恙歸耕富陽千古占桐江

金華道中二曲

西風瘦馬遙天去鴈落日昏鴉數前程捫得箇

歸藏卦夢到山家柳下綸竿釣槎水邊籬落梅花漁樵話從頭兒聽他白髮耐烏紗營營苟苟紛紛擾擾莫莫休休厭紅塵拂斷歸山袖明月扁舟畱幾冊梅詩占手蓋三間茅屋遮頭還能勾牧羊兒肯畱相伴赤松遊

題情

朱門半掩花牋自檢繡線慵拈相思有債前生欠今日新添彈舊曲徒勞玉纖遣春愁不離眉尖黃昏漸青山一點新月挂冰蟾

湖上

逋仙舊塚西施淡抹坡老衰翁香雲一枕繁華
夢流水光中暮靄鍾聲故宮夕陽塔影高峯桃
源洞花開亂紅無樹著春風

客中九日

乾坤俯仰賢愚醉醒今古興亡劍花寒夜坐歸
心壯又是他鄉九日明朝酒香一年好景橙黃
龍山上秋風樹響吹老鬢毛霜

朝天子

湖上

瘦盃玉醅夢冷蘆花被風清月白總相宜樂在
其中矣壽過顏回飽似伯夷閑如越范蠡問誰
是非且向西湖醉

和駿齋

小詩半紙幾箇相思字兩行清淚破胭脂鏡裏
人獨自燕子鶯兒蜂媒蝶使正春光明媚時柳
枝翠絲縈繫煞心間事

席上有贈

教坊色長曾侍宴丹墀上可憐新燕妬新妝高
髻堆宮樣芍藥多情海棠無香花不如窈窕娘
錦囊樂章分付向樽前唱

閨情

與誰畫眉猜破風流謎銅駝巷裏玉驄嘶夜半
歸來醉小意收拾怪膽禁持不識羞誰似你自
知理虧燈下和衣睡

碧淵湖上

順流放舟雪夜明如畫碧瀾湖上記曾遊白髮
新青山舊仗酒澆愁寒生吟袖月明中十二樓
岸頭凍柳相伴梅花瘦

開元道院賞芙蓉

錦宮半空身世遊仙夢繡屏香冷玉芙蓉露溼
霓裳重采藥仙童穿花丹鳳上金鰲十二峯醉
翁馭風同入桃源洞

看雲樓上

洞賓道人詩句龍涎噴酒邊呼我上崑崙知有

張小山小令卷下
神仙分鳳翥山光鸞鳴松韻畫圖中身外身與
君看雲咫尺蓬萊近

郊行

小屏瘦影又是年時病提壺花外兩三聲喚起
尋芳興翠管銀箏一觴一詠玉娉婷金字經滿
城月明醉把雕欄凭

夜坐寄芝田禪師

檜屏草亭池面芙蓉淨夜來明月伴看經只有
寒山聽寶鼎香凝銅瓶花影井泉寒秋葉泠泠

冷水聲啾啾鹿鳴寫我林泉興

郝東池席上

杏壇藥闌滿地香雲散仙宮深處更無山只有
桃花看紅雨班班玉佩珊珊翠簾開明月寒小
鬟遞盞合唱蓬萊慢

歌者訴梅

水濱探春未得南枝信一簾香夢捲梨雲漸覺
寒香近淡月黃昏深雪前村記年時曾見君淚
痕漬粉訴烟雨江南恨

張小山小令

卷下

朝天子

弄

過劉阮洞

路旁海棠步步青絲障碧桃流水滿溪香落日
溪橋上仙掌瓊漿玉杵元霜紫簫寒宿鳳凰阮
郎感傷人不見春無恙

探梅

水西探梅隔岸香風細五雲仙子六銖衣邀我
花前醉綵鳳雙飛瑤堦如水吹簫月下歸剡溪
路迷雪夜重相會

道院中碧桃

翠蛾恨誰青鸞信遲題詩記清明日淚彈紅雨
笑隣姬同立蒼苔地萼綠仙人元都觀裏怪劉
郎不認得今春又歸花能幾回且自吹笙醉

春思

菱花破兩邊瑤琴斷四絃恩又番成怨黃雲孤
鴈褪花鈿羞掩雙鸞扇歸燕年年離恨綿綿又
西湖拜掃天寺前上船試照我傷春面

山中雜書二曲

罷手去休已落在淵明後百年心事付沙鷗更

張小山小令卷下
誰是忘機友
洞口漁舟橋邊村
酒這清閒何處
有樹頭錦鳩花外啼春晝

夜長未央盼殺雞
三唱東華聽漏滿
鞞霜却笑淵明強
月朗禪牀風消鶴帳
夢不到名利場
草堂暗香春已到
梅梢上

醉餘草書李愿盤谷序
青山一片范寬圖
怪我來何暮
鶴骨清癯蝸殼蘆
廬得安閒心自足
蹇驢酒壺風雪梅花路

酸齋席上聽胡琴

玉鞭翠鈿記馬上
昭君面一梭銀線
解冰泉碎拆驪珠
串鴈舞秋煙鶯啼
春院傷心塞草邊
醉仙綵牋寫萬里
關山怨

野景亭

瓜田邵平草堂杜陵
五柳莊彭澤令牽牛
籬落掩柴荆
犬吠林塘靜
樹頂蟾明
水面風生聽漁歌
三四聲
小亭野景動
老我尊鱸興

春思

見他問咱怎忘了
當初話東風殘夢
小窗紗月

冷鞦韆架自把琵琶燈前彈罷春深不到家五
花駿馬何處垂楊下

梅友元帥席上

老夫病餘尚草長門賦阿蓮嬌吻貫驪珠試聽
鶯啼序玉露冰壺香風瓊樹醉歸來不用扶小
奴按舞看了梅花去

賣花聲

席上

半泓秋水金星硯一幅寒雲玉版牋美人索賦
鷓鴣天瓊杯爭勸珠簾高捲燕歸來海棠庭院

偶題

落花露冷蒼苔逕纖手風生白玉箏夜香佇立
紫雲亭知音誰訴雕闌獨凭柳陰中月明人靜

懷古二曲

阿房舞殿翻羅袖金谷名園起玉樓隋堤古柳

纔龍舟不堪回首東風還又野花開暮春時候
美人自刎烏江岸戰火曾燒赤壁山將軍空老
玉門關傷心秦漢生民塗炭讀書人一聲長嘆

四時樂興四曲

簌簌簫鼓東風暖是處園林景物妍一春常費
買花錢東郊遊翫西湖筵賞樂陶陶滿斟頻勸
澄澄碧照添波浪青杏園林煮酒香浮瓜沉李
雪冰涼紗厨藤簟旋籜新釀樂陶陶淺斟低唱
蕭蕭鞍馬秋雲冷一帶西山錦畫屏功名兩字

幾飄零東籬蕭灑淵明歸去樂陶陶故園三徑
陰風四野彤雲密繚繞長空瑞雪飛銷金帳裏
笑相偎瓊簾低放滿斟瓊液樂陶陶醉了還醉

客况二首

綠波南浦人懷舊黃葉西風染鬢秋暮雲歸興
仲宣樓天南地北塵衣風帽漫無成數年馳驟
十年落魄江濱客幾度雷轟薦福碑男兒未遇
暗傷懷憶淮陰年少滅楚為帥氣昂昂漢壇三
拜

Blank space with vertical lines for text.

山坡羊

春日二曲

芙蓉春帳葡萄新釀一聲金縷尊前唱錦生香
翠成行醒來猶問春無恙花邊醉來能幾場妝
黃四娘狂白侍郎
西湖沉醉東風得意玉驄驟響黃金轡賞春歸
看花回寶香已煖鴛鴦被夢繞綠牕初睡起癡
人未知噫春去矣

雪夜

扁舟乘興讀書相映不如高臥柴門靜唾壺冰
短檠燭隔牕孤月懸秋鏡長笛不知何處聲驚
人睡醒清梅弄影

別懷

梨花都謝春衫初卸綠陰空瑣闌臺榭遠山疊
暮雲遮青青楊柳連官舍此景此情難棄捨車
且慢些別人去也

春睡

花沾宮額草香羅帶一春心事愁無奈感離懷

夢多才流鶯只在朱簾外午睡正濃驚覺來挨
金鏡臺歪金鳳釵

別懷

衣鬆羅扣塵生鴛鴦芳容更比年時瘦看吳鉤
聽秦謳別離滋味今番又湖上藕花堤上柳颺
渾是秋愁休上樓

感舊

凭高凝眺臨風舒嘯一番春事蝴蝶鬧越山高
楚天遙東風依舊桃花笑金鞍少年何處了牢

張小川小令卷下
粗布袍熬白鬢毛

閨思

雲鬆螺髻香溫鴛被掩春闈一覺傷春睡柳花
飛小瓊姬一片聲雪下呈祥瑞團圓夢兒生喚
起誰不做美匹却是你

酒友

劉伶不戒靈均休怪汾村沽酒尋常債看梅開
過橋來青旗正在疎籬外好飲古人安在哉窄
不勾釀哎我再買

客高郵

危樓凝竚蒼蒼烟樹夕陽曾送龍舟去暎菰蒲
捕魚圖一竿風旆橋西路人物風流聞上古儒
秦太虛湖明月珠

上小樓

題釣臺

亭臺土花江山圖畫遁跡烟霞罷念榮華間別
官家泥布襪上御榻龍身偃亞不輕了故人足
下

張小山小全卷

鎮藏書

